



Kaupapa
Mīharo

Wero
Wai

Ngohe 2.3: Te kōhi wai

Tirohia te wāhanga tuatahi o te whatunga wai o Aotearoa, ā, kohia hoki he wai!

Kohia he wai i tō whatunga wai mā te hanga i tētahi ine-ua.

Hangaia tō ine-ua

Hei mahi 1

Tapahia te wāhanga o runga
o te pātara.



Me whai ēnei:

- He pātara kōataata kua hangaruatia, 1.5/2 rita te rahi (tangohia te tapanga me te taupoki)
- He tēpa (he tēpa masking, he tēpa washi rānei)
- He pene

Hei mahi 2

Huripokina te wāhanga
o runga o te pātara, ā,
whakanohoia ki roto i
te wāhanga o raro.




Hei mahi 3

Whakaritea he tēpa, he
rite te roa ki te wāhanga o
raro o te pātara.



Hei mahi 4

Whakapiria atu te tēpa
mai i raro ki runga.



Hei mahi 5

Tuhia tētahi āwhata
mitamano i te tēpa
ki tētahi rūri, tīmata
mai i te 0. Me tīmata
te rārangi 0 i te
wāhanga papatahi
katoa o tō pātara, kia
50 mitamano rānei te
matara atu i te take.



Hei mahi 6

Riringihia atu he wai ki tō
ine-ua kia eke noa ki te
rārangi 0 i tō tēpa.



Hei mahi 7

Tuhia te ingoa o tō rōpū ki
tō ine-ua, kātahi ka waiho
ki waho, ki tētahi wāhi
haumarū e wātea ana.



Hopu-hekenga wai

Inea te hekenga wai i tō ine-ua i ia wiki o tētahi marama. Kia rite te wā me te rā e tirohia ai e koe tō ine-ua i ia wiki, kia tika ai ngā kitenga.

I te mutunga o ia wiki, riringihia te wai i kohia ai e koe ki tētahi ipu, ka whakamahia anō tēnei ā muri ake nei i te wero. Hei te wiki o muri atu, ka tīmata anō koe mai i te 0.

Wiki	Te hekenga wai (mm)
Wiki 1	
Wiki 2	
Wiki 3	
Wiki 4	
Te tapeke o te hekenga wai (mm)	
Te toharite o te hekenga wai (mm) (Hekenga wai tapeke/4)	